

DEO OPTIMO MAX:

88

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBET ARIIS DISPUTATIONIBUS
manè discutienda in Scholis Medicorum, die Martis primâ Aprilis
M. DCC. XXXVIII.

M. FRANCISCO POUSSE,
Doctore Medico, Præside.

*An tumoris Cancrosi radicibus ablati regeneratio rursus
Chirurgiæ tradenda?*

I.

CANCROSAM molem dixeris tumorem durum, inæqualem, diversæ figuræ, Doloris sensu præditum, universi Corporis partes Glandulosas, Mammarum imprimis afficientem. Diversos Carcinomatis agnosce gradus pro hujus diverso progressu atque majori mole. Incipiens seu nascens Carcinoma vix ciceris æquat magnitudinem, raròque nisi contrectatione, aut compressione, aut divulsionem doloris præbet sensum, tuncque occultus dicitur Cancer. Pro tumoris incremento Nervi, Membranz, Vasa Lymphatica, Arteriæ, Venæ, ultrà modum distensa dolorem creant molestum qui pro adauctâ mole, cutis distensione & dilaceratione summum cruciatûs immanis gradum assequitur, tuncque horrenda visu, naribusque pro tetro fœtore intolerabilis Carcinomatis aperti species. Ne vulneris simplicis aut ulceris indolem ex aperto Cancro speres. Oras sapiùs recurvas, colorem lividum, Carnes emortuas, fungosas Sanguine, aut sanie diffuentes promit: Tumoris figura Cancrî fluvialis æmula, undique sparsas mittendo radices è corneâ basi, quæ germen, enascentes. Cancrî causam evolvere summum opus; eam tollere radicibus non exiguus labor, quantumvis sagacis Medici Concilio quantumvis perito Chirurgo unâ consentientibus committatur Curatio.

I I.

GLANDULARUM opus secernere est. Dum liquida debitam fluiditatem, solida idoneam elasticitatem servant, integrum viget secretionis opus: pro liquidorum viscidâ aut coucretâ crasi, pro vasorum imminutâ vel adauctâ sive laxiori aut rigidiori elasticitate, Glandularum intactus, obstructio. Quenam fuerit utrorumvis vitii causa asserere arduum, quæ tamen qualis quantaque sit à rerum non naturalium abusu, nisi à nativo solidorum vitio repetenda Glandularum infarctus obstructio soboles, quæ nisi resolutione aut supuratione terminata, scirrhum parit. Scirrus tumor durus renitens, Doloris experts quem non rarò, maximè in visceribus in eodem statu constantem ad ultimum vitæ terminum in plerisque in-

A



noxiè observabis. Partium externarum scirhum potiùs in Cancrum facessere quàm internarum constat experiètiâ. A partium textura infirmiore, à vasorum minore Diametro, à lentiore quam in partibus intimis liquidorum motu Scirhum oriri & probabile est, & verisimile. De Cancri genuinâ causâ tum veterum, tum Chymicorum opinio nihil nisi verba, & utrorumque funditis ruit systema quod effectus pro causâ statuit. Carcinomatis originem cognoscere cupis? Mechanismum evolve ex cuius violatis legibus Cancri causam & originem mox dignoscet. Hujus causam aliam externam, aliam internam nemo nescit. Pro ictu vel casu, aut violentiori compressione Glandulis Mammarum inflictis, vasorum elater debilior Diameterque fit minor quàm ut succo secernendo facilis pateat aditus, transitusque liber unde ejusdem succi mox fit stagnatio, concretio, induratio, quæ Cancri ut aiunt Germen, ubi maximè pro liquido stagnanti sic intumescunt Glandulæ & indurescunt ut nervorum atque vasorum Lymphaticorum propagines velut strangu-latæ suo muneri exequendo impares factæ, molem constituunt novam quæ pro Sanguinis ad eam jugi appulsu & stagnatione, crescendo, partium vicinarum membranas & nervos distendit, hinc acutus Doloris sensus, vigilix, febris, appetitus prostratio, aliaque symptomata quæ graviora pro tumoris incremento, cutis distensione majori tandemque dilaceratione, quæ Cancri aperti complementum est. Cancrum igitur Glandularum, vasorum Lymphaticorum nervorumque compaginem in massam informem albicantem corneam, motû expertem, immutatam agnosce. Non alias subit leges Cancrosus tumor ab internâ causâ progenitus succi Glandulosi stagnatio seu à laxiori, seu à rigidiori elasticitate vasorum, seu à viscidiori aut concretâ nimis liquidorum crassi Glandulas inferciendo, pro succi stagnantis conditione earum structuram sensim mutat, unde Cancrosus tumor solâ Chirurgi manu curabilis.

I I I.

TUMORIS cujuscumque terminus vel resolutio, vel suppuratio, vel induratio. Qui arte aut ipsamet naturâ resolvitur non sine periculo novi in partem nobiliorem decubitûs; hinc non immeritò suppuratio resolutioni anteponenda. Qui neque supputatione, neque resolutione solvitur tumor, indurescit Scirrhi aut scrophularum naturam induendo longo & tedioso remediorum apparatu, raròque sanabilis. Qui remediorum eludit vires, soliùs naturæ beneficio, legitimâ victûs ratione suffulta committendus; aliàs Medicamentorum vi exagitatus, Carcinomatis induet genium soli arti Chirurgiæ tradendi. Duplici methodo Cancrosum tumorem auferre, causticis cujuscumque sint generis & energix, quantumvis horum vel obtusa vel temperata vis, ferrum præponendum, Doloris reverà minùs ferro creant, ac sæpiùs renovant, febrem invehunt, liquidorum solvunt crasim, unde Diarrhea ut plurimum lethalis; nervos sollicitant, adigunt in spasnum: curatio tandem diuturnior, & sæpissimè propter virum prostrationem deferenda. Ferrum revera dolorem creat & acutum, sed breviori temporis spatio finiendum. Quàm methodo tumorem Cancrosum mammæ, verbi gratiâ, auferre debeat. Chirurgus jam nulla hesitandi ratio, veterum necnon quorumdam recentiorum ut potè crudeliori longiorique jam obsoletâ methodo. Sic in mammæ excidendo carcinomate se gerit Chirurgus; postquam nullas appendices radices dictas, interiùs divagantes, tumoremque suprà musculum pectoralem veluti fluctuantem observavit, ægotantem in sedili collocat, brachium lateris affecti abducit retrorsum & extendit ut suprà musculum pectoralem magis emineat tumoris moles & Basis; mox sinistra manu apprehendit tumorem & attollit quem infra basin dextrâ circumcidit scalpello paulo latiori, brachiumque ægotantis anteoperationem abducti mox jubet ad latus & antrosum adduci, ut faciliùs partibus

relaxatis subrūs tumoris basin digitos immittendo quidquid corruptum, quidquid à glandularum nativā indole alienum, quidquid fungosum aut durum corneolum & si quæ sint appensa stamina seu radices, ultrā quantum potest harum propagines, digitis aut scapello eximat; nec corpori cellulari, neque ipsimet muscoli pectoralis membranæ parcendo: Operatione peractā sanguinem aliquandiu fluere sinis, & uberius affluentem linteolis carptis & plumaceolis superpositis manu contentis, molli ac gradualī pressione cohibet, quæ si impar, aquā aluminosā Plumaceolos intingit, tandem si fuerit opus vasis injicit ligaturam. Sanguine cohibito Plumaceolos lenteolaque sicca imponit, ut superfluis sanguis & humiditas absorbatur. Die sequenti, nisi plumaceoli nimidū adhæserint, prior, quem vocant, tollitur apparatus, vulnusque uti simplex vulnus plumaceolis digestivo balsamico intinctis curatur, tandemque majori in his, in illis minori temporis spatio ad cicatricem ducitur. Quæ perfecta dici meretur nisi nova carcinomatis succedat generatio quam denuo chirurgiæ tradere piaculum.

IV.

NOVI carcinomatis nova generatio latentis causæ effectus. Num à solidorum; num à fluidorum vitio? Utraque suis argumentis opinio constat, unde nova dubitandi ratio; at qui rem penitus & absque præjudiciis inquirere aliquid ignorum & singulo individuo proprium fatebitur. At, inquit, medici juris est rerum causas dignoscere, alias in praxi nullo fretus principio, nullo ductus filo, more cæci titubans deerrabit, solique fortunæ felicitis casus, si quis fuerit, tribuetur honos. Error aut superbia! Rerum causas non nisi ab effectibus novisse homini datum, è quibus suam agendi normam mutuatur. Singulo individuo quid proprium inesse quæcunque sensibus obvia satis aperte declarant. Undenam tanta homines inter vultus, vocis, gestus, animi panthematum diversitas atque discrepantia? Non solum in externo habitu, eam diversitatem reperies; in interiori eandem observabis: hinc appetitus circa alimenta varia diversitas. Cibus qui in hoc alimonia suppeditat, in illo nausæam movet, in alio cathartici vices supplet & non raro eadem quæ toxicum invehit symptomata. Ex Medicamentorum usu & effectibus idem judicaveris. Radix Brasiliensis dysentericiæ remedium specificum, in cassum pluribus adhibetur, quam Medicamenta aliis bene multis damnosa aut saltem inutilia feliciter curant. Cortex Peruvianus nunquam satis ad febres intermittentes curandas laudandum remedium, aliquando invito prudentes & in praxi versatissimi medici consilio sine ullo felici eventu, imò nonnunquam cum febris exacerbatione usurpatur, quæ à medicamentis minoris energie, minusquam februm intermittentium naturæ accommodatis radicitus solvitur. Quod tandem mirum magis quam hydrargirum cujus in lue veneræ radicitus curandâ virtus ab omnibus practicis tanquam verum solumque remedium celebratur? Quot tamen hominum millia hujus remedii vires aut noxias aut saltem inutiles experti quamvis ter quaterve vel ab exercitatissimis in hoc adhibendo remedio viris methodicè fuerit adhibitum: undenam ea effectuum diversitas nisi à quâdam & individuali liquidorum crasi quam nec ratione, nec experientia nisi fortuitâ medicus dignoscit. Non igitur mirum in carcinomatis *regeneratione*, nihil à cæteris effectibus diversum quorum intimiores causas potius ex effectibus subodorari quam dignoscere valet hominis sagacitas.

V.

CARCINOMA forsân inquit, primitus geniti non magis operationem chirurgicam exigit quam carcinoma renascens, cujus causa eadem, quæ ignota, propria individuo & inexpugnabilis, quod innuit hypocrates aph: 38. lect: VI., quibus cancri occulti sunt non curare melius est, curati enim citò pereunt. Carcinoma

4

ab individuali liquidorum crasi vitiata⁴ exortum, iisdem symptomatis signisque stipatur quibus carcinoma à causâ communi progenitum solumque ab effectibus seu regeneratione suam, ignotam antea profert indolem, proindeque in eo casu humanitati repugnat opem pluribus non solum innoxiam sed & utilem denegare: at, instas, harum nulla quibus excisum carcinoma convaluit, imò citò perit: & si quaedam radicitus curata, tumorem scirrhosum potius quam cancrosum credas. Resque innumeris exemplis confirmatur. At quis asserere auit tumorem excisum non fuisse ab individuali causâ natum? Quilnam de omnibus circumstantiis, seu ante operationem seu in ipsâmet operatione, seu post peractam satis monitis, utrum verbi gratiâ, ante operationem ægotans diætâ tenuem, humidam, dulcem partium phlogosi, præcavendâ idoneam observavit. Utrum chirurgus suum opus dextrè, & ut par est absolvere potuerit, utrum in vulneris curatione chirurgus, aut ipsamet ægotans nihil peccaverit, utrum tandem post perductum ad cicatricem vulnus, longo temporis spatio de diætâ & medicamentis in tali casu requisitis religiosè medici consilio obtemperaverit? Scirrhus à carcinomati mole nimium discrepat quàm ut practicis illudat. Scirrhosus tumor glandularum induratarum vasorumque cujuslibet generis compago. Cancrosus, albicans cornea moles, nullius figuræ tenax, in quâ nec glandularum, nec vasorum cujuslibet generis rudimenta. Dubitas? Tumorem excisum cultro anatomico seca, nihil aliud observabis. Innumera, aut pro rerum naturalium abusu, aut aliâ quâvis de causâ periere. Quid inde? Num ideò quodvis carcinoma soli naturæ aut potius mortis tradendum ineluctabili. Plures post genuinum carcinoma ferro excisum secundâ utuntur valetudine, medico satis ut rebus ritè dispositis, aliis molis cancrosa suadeat excisionem, nihilque contraria probat experientia: aliàs quot hominum millia inter immanes cruciatus perirent qui lithiali laborantes, chirurgi repellent manum, aliorum post operationem, defunctorum exemplo territi. Esto; at inquires renascens carcinoma iisdem stipatum symptomatis quibus primitus exortum, utriusque eadem causâ & origo eandem quoque curandi methodum, novam ideò operationem desiderat. Chirurgicæ operationis cujuslibet finis morbi causâ ablatio vel saltem vitæ conservatio. Neutrum verò in renascens carcinoma seu causticis, seu ferro ablatione spectandi locus, imò graviora inde symptomata, majus inde vitæ periculum. Causam morbi, jam inexpugnabilis cognitam, aggredieris, ad quam debellandam media in usum revocas quæ pro aliis deinceps regenerationis metu multò quam in prima operatione graviora. Hinc præter dolorem operationis comitem, animi mœror, vigiliæ, febris, fastidium, virium denique prostratio mortis præmaturæ prodromi.

*Ergo tumoris Cancrosi radicitus ablato regeneratio non rursus
Chirurgiæ tradenda.*

DOMINI DOCTORES DISPUTATURI.

M. Guillelmus-Josephus de Pépigne, Chirurgia Gallico, Idiomatice Professor.

M. Ludovicus-Hieronymus Cofnier.

M. Ludovicus-Joannes le Thieulier, Regis Consultarius & in majori Consilio Medicus Ordinarius.

M. Nicolaus le Roy de Saint Aignan.

M. David Vasse.

M. Andreas-Josephus Seron.

M. Michael-Ludovicus Vernagel

M. Joannes-Franciscus Leaulé

M. Jacobus-Anthonius Millet;

Proponebat Parisiis, GUIDO-ANDREAS GARNIER, Parisinus,
Baccalaureus Medicus, A. R. S. H. 1738. à sextâ ad meridiem.